

نومرو : ۱۴

حزيران ۱۳۲۶

ايکنجي سنه

علم حقوقي مقاييسه قوانین مجتهد و عکس

مرآی نشر اول نور

مؤسس وصاحبي

کور ملجنه مبعرنی : محمد عارف

برنجی فصل

صالح حاکمکریک مواد حقوقیه ده کی صلاحیتتری

اوجنچی ماده صالح حاکمکریکی ذیلی الاطلاق محاکم نظامیه نك دائرة صلاحیتده اولان حقوق و تجارت دعوالرندن لیرا یوز غروش حسابیه رأس المسالی و یا قیمتی ایکی بیک بش یوز غروش اولان عین و دین دعوالریله حق مسبل و حق مرور دعوالرینی قابل تمیز اولمق اوزره رؤیت ایدر .

دردنجی ماده صالح حاکمکی ماهیت و یا قیمتی اعتباریه رؤیتی دائرة صلاحیتده اولان بالجله دعوی متقابله یی دخی رؤیت ایدر . دعوی متقابله نك مقداریه دعوی اصلیه نك مجموعی ایکی بیک بشیوز غروشی متجاوز ایتسه بیله رؤیتیه صلاحیتداردر .

مدعی نك شخص واحد ذمتده جهات مختلفه دن متعدد مطلوباتی بر دعوا ده جمع اولندیقی تقدیرده مطلوبات مذکور ددن هر بری ایکی بیک بشیوز غروش ددن اولسه بیله مجموع دعوی ایکی بیک بشیوز غروشی متجاوز اولورسه صالح حاکمکی رؤیتیه حائز صلاحیت دکلدر .

انجق دعوی اصلیه به متذرع فاض و مصرف و ضرر و زیان و منافع مقداری هر نه به بالغ اولورسه اولسون رؤیت و حکم ایده جکی کبی منحصرأ دعوی اصلیه دن متحدث ضرر و زیان دعوی متقابله سی دخی هر نه مقدارده اولورسه اولسون رؤیت و حکم ایدر .

دعوی متقابله ایکی بیک بش یوز غروشی متجاوز اولدیقی تقدیرده حاکم دعوی اصلیه نك رؤیتیه دوام ایتک و یا طرفینی عائد اولدیقی بدایت محکمه سنه سوق ایتک خص و صنده مختاردر .

بشنجی ماده صالح حاکمکریکی قیمتی هر قاچ غروش به بالغ اولورسه اولسون واضع ایلندن بای وجه کان نزع ایدلمش اولان عقاراته متعلقا عاده بد دعوالری ایله صحابی استعمالندن منع ایدلمش اولان حق شرب دعوالرینی اساسه انتقال ایتمکسزین دخی قابل تمیز اولمق اوزره رؤیت و حکم ایدر .

التجی مادہ صلح حاکم لری بدل ایجاری ہر نہ مقدار دہ اولورسہ اولسون ایجار عتار نظامنامہ سی موجبہ تخلیہ مأجورہ متعلی اولہرق بدایت محکمہ سی رئیس لری نک حائر اولدقلری صلاحیتی دخی حائر د .

یدنجی مادہ صلح حاکمی رؤیتلہ مکلف اولدینی ہر نوع ذمت دعوا - لرنہ ۷۷ نجی مادہ دمکی تحدیداتہ رعایت ایتک شرطیلہ اموال منقولہ و غیر منقولہ اوزرینہ حجز احتیاطی وضعنہ دخی صالحدر .

حجزی طلب ایدن شخص مطلوبات و مدعیاتی اثبات ایدہ جک اوراق و سندات و یا شہود ایلہ برابر حاکمہ مراجعت ایدہ جک و حکم مدعی بی و یا مدعی ایلہ برابر شہودی استجواب ایدہ رک حجز طلبنی حقلی و اصول محاکمہ حقوقیہ دہ معین شرائطہ موافق کوردیکی حالہ محجور علیک ایلرودہ ظہور ایدہ بیلہ جک ضرر و زیانی تضمینہ مصدق و معتبر بر کفیل اخذیلہ حجزہ قرار ویرہ جکدر . بوکفالتک قریہ و یا محله ہیئت اختیار سنجہ تصدیق ایدلسی کافیدر .

حاکم حجز قرارینک اعطاسیلہ برابر یوم محاکمہ بی تعیین ایدہ رک طرفینی و حجزدہ شخص ثالث وار ایسہ انی محکمہ یہ دعوت ایدہ جکدر طرفینک ورودندہ اشبو قانونک یکرمی برنجی مادہ سیلہ مواد متعاقبہ سی احکامنہ توفیقاً محاکمہ اجرا قلنہ جق و شخص ثالث کلاً و یا من جهة حجزی جرح ایدہ جک اولورسہ اولیابدہ کی منازعہ شخص ثالثک منسوب اولدینی محکمہ دہ رؤیت اولنہ جقدرد .

صلح حاکمی طرفین بینندہ منازع فیہ اولان اموال منقولہ و غیر منقولہ بی حجز ایدہ بیلہ جکی کبی طرفینی ضرردن وقایہ اقتضا ایدرسہ منازع فیہک منافع حاصلہ سی دخی حجزہ صلاحیتداردر .

ایکے نجی فصل

صلح حاکم لری نک مواد جزائیہ دمکی صلاحیت لری

سکنزنجی مادہ صلح حاکم لری قباحت دعوالرینی قابل تمیز و برکسہ نک خانہ سسنہ جبر و اخافہ ایلہ افراد اہالی طرفندن دخول و اجرای مأموریت

حائده بولان هر نوع مأمورینه قارشی افراد طرفلرندن حقارت و اطاله
لسان و اخافه ده بوللمسی و رسماً موضوع مهرلرك فكي و صنوف خلقك
دولتجه مأذون اولدقلری آیین مذهییرینه تعرض ویا اجراسنه فعلاً و تهدیداً
ممانعت و خیرات و تزیینات بلدیهدن اولان ابنیه و آثار مصنوعه یی هدم و تحریب
و قیروب بوزمق و میدان و مسیر لرده کی اغاجلری قطع و تلف و مقابر و امواته
تعرض و قصداً ویا خطاء ضرب و جرح و بحرو حیه سبیت و یرمك و بزای
اخافه تشهیر سلاح و سرقت و املاك و اراضینك علامت تحدیدی سرقت
قصیده تبدیل و بوکی تحدید علامتیرینی قیروب بوزمق و خندقلری طولدیرمق
و انشاسنه مساعدده اولنان ابنیهك انشاسنه فعلاً ممانعت ایتمك و زراعت آلات
و ادواتی و بکچی کلبه لیرینی و حیوانات اغلیرینی و حویلیری بوزمق و قوانین
دولت و اوامر حکمك اجراسنه صرف نفوذ و قوه مؤثره ایله ممانعت و مخالفت
ایلمك و بین الناس وقوع بولان مزایده لره فعلاً و یا قولاً خلل و یرمك و آخرك
حیواناتی بلا ضروره قصداً اتلاف ایتمك و دقسنزلک و نظاماته رعایتسنزلک یوزندن
یانغین ظهورینه سبیت و یرمك و شکایت و وقوعنده شتم و تحقیر و صارقندیلق
و حرف اندازلق افعالنندن نهایت برسنه یه قدر حبس و یا بوکامعادل جزائی مستلزم
اولان دعوای قابل استیناف اولق اوزره رؤیت و حکم ایدر. کذلک حضورنده
وقوع بولمش بر محاکمه اتساننده ارتکاب ایدیلمن یلان شهادتی و یلان یرم
دعوالیرینی دخی متضرر طرفندن شکایتنامه اعطا قلمش اولق شرطیله و قابل
استیناف اولق اوزره رؤیت و حکم ایدر.

اوجنچی فصل

مواد حقوقیه دن اصول محاکمه
طوقوزنجی ماده ذمه ویا اموال منقولیه عائد دعوالرلرك مدعی علیه
اقامتگاهی و كرك تمهیدك وقوعبولدیقی ویا اشیانك تسلیم اولندیقی و یا خود
تمهیدك اجرا قلمه جینی محالل صلح حاکمی حضورنده اقامه اولنه بیایر.
اموال غیر منقولیه عائد دعوالر غیر منقولك كان اولدیقی محلك حاکمی
حضورنده اقامه اولنور.

اونجی ماده صلح حاکی حضورنده بر دعوی اقامه ایتمک ایستین هر شخص
حاکم حضورینه کیده زک دعواسی اولدیفنی بیان ایله جکدر .

حاکم معینده ضبط کاتبی اولدیفنی حالده مدعینک اسمنی، صنعتنی، اقامتگاهنی
ودعواسنک نهدن عبارت و کیمدن اولدیفنی و صور نبوتیه سنی و اوراق و سندات
موجود بولمادیقی تقدیرده دعوت ایستیره جکی شهودک کذلک اسم و اقامتگاهنی
سؤال ایده جک و شاهدلری حاضر و تحدید ایستیره جکدر .

حاکم مدعی به کندی لهنه شهادتی معتبر اولمیان اشخاصه عائد و محله احکام
عدلیه نک کتاب البیناتنده مندرج احکامی افهام ایده جکدر .

کذلک مدعی یدنده اثبات مدعا ایچون اوراق و سندات اولمادیقی و اقامه
ایده جک شاهی بولمادیقی تقدیرده خصمنه یمین تکلیفندن بشقه برحق اولمادیقی
دخی خبر ویره جکدر .

مدعینک ویره جکی ایضا حاکم ختامنده ضبط کاتبی صورت ادعای و وسائط
نبوتیه سنی متضمن بر دعوی ضبطنامه سنی تنظیم ایله جک و شهود بوصله سنی
دخی ترتیب ایده جکدر .

حاکم ضبطنامه بی مدعی به قراشته زیرینه مهر و یا امضاسنی و یا خود اشارت مخصوصه سنی
وضع ایستیره جکدر . بعد حاکم تعیین ایده جکی یوم محاکمه ده حاضر بولمادیقی
بیان ایله بر دعوتیه ورقه سنی امضا ایستیره جک و یوم مذکورده کلمدیکی حالده
دعواسنک رد اولنه جغنی خبر ویره جکدر .

ضبط کاتبی واسطه سیله و آنک طرفندن ممضی اوله رق مدعی به بر اقامه
دعوی علم و خبری اعطا ایستیره جکدر . بو علم و خبردن طرفینک اسم و صنعتی
ودعوانک موضوعی و مرافعه به دخولک تاریخی و مصالحتک دوسیه سنک نومروسی
مجملاً ذکر و اتیان اولنه جقددر .

اون برنجی ماده بووجهله تنظیم اولنان دعوی ضبطنامه سنک صحیفه لری نه
حاکم طرفندن وضع امضا اولنه جق و ضبط کاتبی نومرو صره سیله ترتیب ایذک
ضبطنامه بو ایشه مخصوص دوسیه به قونیه جقددر . دعوی دوسیه سنی منسوب
اولدیفنی ناحیه نک اسمنی و دعوی نک تاریخ و قوعنی و سینه به مخصوص صره
نومروسی محتوی اوله جقددر .

دعوی ضبطنامه سنك بر صورتی چیقاریلوب یوم معینده محاکمه ده اثبات وجود اتمسی لازم کله جگنی و اتمدیکی تقدیرده علیه غیاباً حکم ویریه جگنی مبین زیرینه حاکم طرفدن یازیه جق بر در کنار ایله مدعی علیه معینده کی مباشر واسطه سیله تبریغ اولنه جقدر . ولدی الایحاج ضابطه محلیه مأموری دخی امر تبلیغده استخدام ایدیه جقدر .

ضبطنامه صورتی مباشر ویا ضابطه مأموری مدعی علیه ذاتنه و بوله مدینی تقدیرده خانه سنده مقیم افراد عائله سندن برینه تبلیغ ایتدیره جقدر . تبلیغی متضمن مدعی علیه بدنده ویا تبلیغ افراد عائله سندن برینه واقع اولمش ایسه انك طرفدن مختوم ویا نمضی ویا اشارت مخصوصه سی موضوع بر علم و خبر آله جق و بو علم و خبر دعوی دوسیه سنه وضع ایدمك اوزره حاکمه تودیع اولنه جقدر مباشر ویا ضابطه مأموری تبلیغی اجرا ایدرکن یوم معین محاکمه دعوتیه اجابت ایدمديکی تقدیرده غیاباً حکم ویریه جگنی شفاهاً دخی تکرار و اخطار ایلیه جقدر .

مدعی علیه ویا افراد عائله سی تبلیغ علم و خبری امضادن استکاف ایتدیکی ویا خود دعوت ورقه سی قبولدن امتناع ایدمديکی تقدیرده ضابطه مأموری دعوت ورقه سی خانه نك قبوسنه یا بشدیره جق و بوباده بر ضبط ورقه سی تنظیم ایدمك قریه نك هیئت اختیاریه سندن لاقل ایکی کشی به وقابل اوله مدینی تقدیرده ایکی شاهده تصدیق ایتدیره جقدر . بو معامله نك ایفاسی تبلیغ مقامنه قائم اوله جقدر .

اون ایکنجی ماده دعوی مستعجله مستتلاً اولمق اوزره کرک طرفینه و کرک مواد آتیده ذکر اولندینی وجهله شاهدله دعوت ورقه سنك تبلیغ اولندینی کون ایله محکمه ده اثبات وجود ایدم جکلری کون آره سنده لاقل بکرمی درت ساعت مهلت بوله جقدر . بومهلته رعایت اولندینی حالده طرفین و شاهدله اثبات وجود ایدر لسه محاکمه به دوام اولنور عکس تقدیرده حاکم یکیدن تبلیغات اجرایی امر ایدر .

اون اوچنجی ماده تعیین اولنان یوم محاکمه ده حاکم مدعی علیه صورت

مخصوصاً نزدیقه قبول ایده جک و مدافعه سینه متعلق استلای ابراد و ایضاحات مقتضیه بی استحصال ایله جکدر .

دعویاه متعلق اولورق ۱۰ نجی ماده ده بیان اولدینی وجه اوزره بر دفع دعوی ضبطنامه سی تنظیم ایستیره جکدر .

مدعینک یدنده مدعی علیک کندی طرفدن محتوم و یامضی و منسدرجانی مدعای مثبت اوراق و سندات موجود اولدینی تقدیرده شهودک شهادات و بیانیاتی بوثائق تحریریه نک خارجنده و یا خلافتده برکونه اهمیت و تاثیرات قانونیه بی جائز اولیه جفتی و انحق تسلیات ادعاسنک شهود ایله اثباتی جائز اولدینی دخی اخطار . ایده جکدر .

حاکم دفع دعوی ضبطنامه سی و لدی الاقتضا دفع دعوی شاهد لری بوصله سی قرائت و مدعی علیه امضا و یا تختم و یا خود اشارت مخصوصه سی وضع ایستیره جکدر .

اون دردنجی ماده بو مراسمک ایفاسندن صکره حاکم مدعی بی دخی حضورینه جاغره ورق طرفنی صلح ایتمک چالیشه جقدر . اگر شرائط قانونیه سی وجهله صلحه موفق اولورسه در حال ضبط کانده بر صلحنامه تنظیم ایستیره رک طرفینه قرائت ایده جک و برکونه مطالعه و ملاحظه لری و ارسه اوصورتله تعدیل و اصلاح ایله جکدر .

بعده موقع محاکمه و طرفین حاضر اولدینی حالده صلحنامه بی اغر اغر و عرکسک آکلایه جنی صورتده قرائت ایله جکدر . صلحنامه نک قرائتدن صکره طرفینه امضا و یا مهر و یا خود اشارت مخصوصه وضع ایستیره جک و زیرینه صلح واقعی تصدیق ایستیکنه دائر بر ذیل تحریر و تاریخ وضعه امضا ایله جکدر . ذیل مذکورک زیری محکمه نک مهر رسمیه سیله تختم و ضبط کاتبی طرفندن دخی امضا ایله جکدر .

اون یشتنجی ماده حاکمک تصدیقه مقارن اولان صلحنامه نک بر صورت مصدقه سی ضبط کاتبی طرفندن مدعی به و اگر صلح طرفندن بعض شیرالنوب و برلمسی متضمن ایسه طرفینه اعطا قله جقدر .

حاکم تصدیقه مقارن اولان صلحنامه حکم اعلامی مقامنده عد اولنه حق وهیج بر طریق قانونی به تابع اولمه جقدر .

اون التتجی ماده حاکم طرفینی صلح اتمکه موفق اوله مدینی تقدیرده همان دعوانک رؤیتنه ابتدار ایدمک وشهود جلی واسباب سائر طولانیستله محاکمه نك تعلیق لازم کلدیکی صورتده طرفینه محاکمه آتیده لدی الاقتضا اسباب ثبوتیه اولمق اوزره ارائه ایدم جکلری اوراقل اصلارینی حامله محکمه یه کله لرینی اخطار ایدم جک وکلدکلری تقدیرده کله یں طرفک غیاباً دعوی وایمدافه منی رد اولنه جفنی خبر ویره رک بر دعوت ورقه سنه اعضا ویا مهر ویا خود اشارت مخصوصه وضع ایتدیره جکدر . طرفیندن شاهد ارائه ایدلش ایسه عملک مسافه سنه کوره تقدیر اولنه جق مصارف ضروریه ایلروده حقسنر چیقان طرفه راجع اولمق اوزره اول امرده شاهی اقامه ایدن طرفدن آنه رق حاکم بونلرک بوصله منی بوم معینه خاضر بولمق اوزره لاجل التبلیغ مباشر ویا ضابطه مأمورینه تودیع ایدم جکدر . طرفین شاهد لرینی بوم معینه کنیدیلری کثیره جکنی بیسان ایتدکلری تقدیرده مصارف ضروریه استیفا سنه حاجت یوقدر .

شاهد لرک محکمه یه جلب ودعوتی ۱۱ نخی ماده نك فقرات اخیره منی وجه ایله تبلیغ اولنه جق بر دعوت ورقه سیله اولور . اون یدنخی ماده شهادتنه مراجعت اولنه جق شخص بر معذرت صحیحه ومشروعیه مستند اولمقسزین دعوتنه احابت ایتدیکی حالده تبلیغات حکومت طاعت ایتماش نظریله باقیله رق حقنده یکر می بش غروشی تجاوز ایتما مک اوزره جزای نقدی حکم واحضاری امر اولنه جقدر . احضاراً ورود ایدن شاهد دعوت سابقه اوزرینه کله مدیکنه دائر اعدار مقبوله سرد ایلر سه جزای تقدیدن عفو اولنه بیله جکدر .

جزای نقدی حکمی ایله عفو حقنده کی قرار بر کونه طریق قانونیه تابع دکلدر . اون سکزنخی ماده دعوت اولنان شاهد لردن بری اوزاق محله بولنوده کنیدیستجه بیوک بر محذور حاصل اولمقسزین محکمه یه کلسی قابل اولمادینی تقدیرده حاکم شاهی دعوت ایتدیرن طرفی جلب ایله بوشاهدک نه کبی بر مسئله وهائی

فقطه حقنده شهادت ایده جگنی استفسار ایده رک شاهد مرقومی حضورینه دعوتله شهادت واقعه سنی متضمن بر ضبط ورقه سی تنظیم و ارسال ایچون شاهدک مقیم اولدینی محکم صلح حاکمه بر استنباه ورقه سی کوندره بیله جگدر . استنباه ورقه سی آلان حاکم دخی ورقه مذکورده کوسریلان مسائل حقنده شاهی علناً استماع واستجواب ایده جگ وشاهدک افاداتی متضمن تنظیم ایده جگی نقل شهادت ورقه سی بعدالتصدیق حاکم مرسله کوندره جگدر . خسته لقی کبی معذرت مشروعه حسبیه حاکم حضورینه کله میان ودائرة مأموریتده بولان شاهدک افاده سی طرفین حضوریه اقامتگاهنده ضبط اولنه جگدر .

اون طقوزنجی ماده صلح حاکم لری نک حضورنده محاکمه علنیدر . عکسی تقدیرده بالجمله معاملات کأن لم یکنندر . آنجق خجالتی موجب دعوالر خفياً رؤیت اولنه بیلور .

محاکمه نک امر انتظامی تأمینه عائد حاکم او امری اجرا و انفاذ ایتمک اوزره محلی ضابطه مأمورلرندن بری محاکمه ده بولور .

کری قولاً و کرک اوضاع و اشارات ایله سکون محاکمینی اخلال ایدنلرک محکمه دن اخراجنی امر ایتمک حاکم صلاحیتداردر . محکمه قارشو حرامتسرلکده بولنانلر حقنده اوج سیم مجیدی بی تجاوز ایتمک اوزره جزای نقدی و یاخود یکریمی دوت ساعتدن اوج کونه قدر حبس جزای حکم ایتمک دخی حائر صلاحیتدر . بوبادهمی قرار هیچ بر طریق قانونی به تابع اولمقسزین درحال اجرا اولنور .

یکرمنجی ماده صلح محکمه لری نه طرفین وکیل کوندره بیلورلر آنجق بولور وکیللرک مؤکلرینک قریبه ده مقیم اقرباسندن و یا احباسندن اولملری و بلااجرت کلری مشروطدر .

طرفیندن بری نامه وکالة اثبات وجود ایدن شخص مۆکلی ایله ایکی شاهد طرفندن محتوم و یا محض محله و یا قریه هیئت اختیاریه سی طرفندن مصدق بروکالتامه بی حامل اولق و یا حضور حاکمه بالاخرج شفاهاً توکیل ایدملک کافیدر . آنجق عندالحاجه افاداتی استماع اولنق اوزره مدعی و مدعی علیه باللذات محکمه به جالب اولنور .

خسته لك كې اعذر شرعی موجود ایسه حاكم ضبط كاتېني مستصحباً
معذورك خانه سته عزيمتله هيئت اختياريه دن لاقول ايكي كشي حاضر اولديني حالده
استجوابي اجرا ايلر .

بالذات جلبنه قرار ويريلن طرف غائب اولوبده مدت قليله ظرفده عودتي
ملحوظ ايسه حاكم دعوانك رؤيت وفصلني آنك عودتته قدر تأخير وسرعت
عودتي ملحوظ دكل ايسه كوندريله جك استنابه ورقه سي اوزرينه مقيم اولديني
محل صالح حاكمك تنظيم ايدم جيكي استجواب ضبطامه منك ورودينه تعليق
ايله بيلير .

يكرمي برنجي ماده . محاكمه منك معين اولديني كون حاكم طرفيني حضورينه
جلب ايله جكدر . دعوا ضبطامه سي ضبط كاتنه قرائت ايتدیره جك
وايضاحات واقعه لرينه موافق اولوب اولمديني بعدالاستفسار دعواي
تنوير وتوضيحه واطهار حقيقته خدمت ايدم جك سؤاللري ايراد ايدم بيله جكدر .
اكر دعواينات تحريره به مستند ايسه ابراز اولنان اوراق قرائت
ايتدیره جك وبوباده دخي حاكم لزوم كورديكی سؤاللري طرفينه ايراد
ايدم بيله جكدر .

اثبات مدعا ايچون اوراق ابراز ايدلمه مش ايسه حاكم مدعينك شاهدلريني
برر برر ويكدنكرندن آري اوله رق استماع ايدم جكدر . قانوناً مدعي لهنه
شهادتلك عدم قبولي ايجاب ايتدیره جك بر حال موجود اولمادي حالده
هر برينك حقيقت حالي سويلمه لريني واداي شهادندن صكره افاده لرينك
يمين ايله ده تصديق ايتدیره جكني بعدالاطهار شهادي استماع ايدم جك
واظهار حقيقته مدار اولمق اوزره لزوم كورديكی سؤالي شاهده ايراد ايدم جكدر .
طرفين دخي كرك يكدنكرينه وكرك شاهدلره حاكم واسطه سيله استديكي
سؤالي ايراد ايدم بيله جكدر .

مدعي غاييك وشاهدلرينك استجوابننده دخي عين اصوله تبعيت
اولنه جقدر . مسئله منازع فيها ايله مناسبتي اوليان سؤاللر حاكم طرفندن قبول
اولمقاز .

نهایت حاکم کرک مدعی به و کرک مدعی علیه ایراد ایدم جک دها بر کونا افاده لری وار ایسه در میان ایملرینی تسکلیف ایدله جکدر .

مدعی و مدعی علیه بیانیه شاهدلرک افادات و شهادتی ضبط کابی طرفندن ضبط ایدله جک و خلاف حقیقت بر افاده ده بولمقدقلرینه دائر شاهدلره یمن ایتدیرله جکدر . حاکم شاهدلرک عدالتلرنده شبهه ایتدیکی تقدیرده اعتماد ایدم جکی ذواتدن سرأ تزکیه دخی ایدم بیله جکدر .

اگر مدعینک نه اراز ایدملش بر سندی ، نهمه شاهدهی اولمادینی ویا شهادت واقعه شایان قبول که رلدیکی تقدیرده خصمه یمن تکلیفندن بشقه بر حتی قلمدیفنی حاکم مدعی به اخطار ایدم جک و مدعینک طلبی اوزرینه خصمه شکل قانونیسی وجهله یمن ایتدیرم جکدر .

بکرمی ایکنجی ماده طرفینک مدعیات و مدافعاتنک امتناعندن صکره حاکم تأمل و تحریر قرار ایچون چکله جکدر .

قرار حاکم طرفندن ممکن اولدینی تقدیرده در حال تحریر اولنه جقدر .

معافیله مسئله کنبدیسنجه دها زیاده موجب تفکر و تأمل کوریلیرسه قرارک تحریرینی وقت آخره تعلیق ایدم بیله جکدر . انجق قرارک قهیمی هیچ روجهله محکمه نك انمقاد آتیسندن زیاده بروفته تعلیق اولنه میه جقدر .

بکرمی اوچنجی ماده ضرر و خسار دعواسندن و مرور زمان و وظیفه و صلاحیت ادعاسندن ماعدا بالجله دعاویده طرفین هر درلو مدعیات و اعتراضات و مدافعاتی یکدیگری متعاقباً بردن و بالکنز بر جلسه محاکمه ده ایراد ایدم جک و آری آری طلب و دفع ایرادینه و منفرداً قرارلر صدورینه حاجت اولمیرق هیئت عمومی سی حقدمه بردن قرار و بیله جکدر . آنجق اساس دعوی حقدمه قرار اتحادی اهل خبره تدقیقاتنه و کشف اجرائیه متوقف کوریلان احوال مستتاد .

بکرمی دردنجی ماده برکیمسه نك باسند عهدۀ تصرفته بولنان اموال غیر منقولیه آخری طرفندن تجاوز و مداخله اولنه رقی احداث ید ایلدکده متصرف اولان کیمسه احداث ید تاریخندن اعتباراً رسنه مرور ایتمکسزین اعاده ید دعواسی اقامه سبیله ذی ایلد حقیقی بولندیغنی باسند واحداث یددن

مقدم منازع فيه ذی ایلد اولدیغنی اسباب ثبوتیه سائرہ ایله اثبات ایتدکده ید حادثه نك رفعه حکم اوله رق مدعا به ید قدیمه صاحبته اعاده اولنور . صاحب سند اشبو طریق قانونی به مراجعت ایتمکمزین جبراً و تغلباً غیر منقولی ضبط ایتدیکی و طرف آخر ایکی ماه ظرفده مراجعت ایلدیکی تقدیرده حال سابقك اعاده سیله صاحب سنده طریق قانونی به مراجعت ایتسی تنیه اولنور .

یکرمی بشنجی ماده طرفین متخاصمیندن هر بری سند ابراز ایلدیکی تقدیرده باقیلور . ایکسی ده بر شخصدن ویا آیری آیری اشخاصدن تلقی ملک ایتمشله ایسه مقدم تاریخی سنده اعتبار اولنور .

بناءً علیه اعاده ید طلبنده بولنان شخصك سندی مقدم تاریخی اولوبده ماده سابقه وجهله احداث یددن مقدم واضع ایلد اولدیغنی اثبات ایتدکده مدعی علیهك رفع یدینه حکم اولنور .

بالعکس مدعی علیهك سندی مقدم تاریخی ایسه مدعینك احداث یددن مقدم ذی ایلد اولوب اولمدیغنی تدقیقه حاجت اولیه رق مدعینك دعواسی رد اولنور . واکر بری دیگرندن تلقی ملک ایتمش ایسه مؤخر تاریخی سنده اعتبار اولنور . بناءً علیه مدعینك سندی مؤخر تاریخی ایسه اعاده ید دعواسی رد اولنور .

یکرمی النجی ماده متخاصمین طرفندن ابراز اولنان سندلرك تعددی منازع فیهك اشتراکندن متولد ایسه طرفینك بالاشتراک ذی ایلد اولدقلرینه حکم اولنور . و طرفینك هیچ بری تصرف سندی ابراز ایتمدیکی تقدیرده اساس تملك دعواسی رؤیته مأذون محکمه به مراجعت ایتملری طرفینه اخطار اولنور . یکرمی یدنجی ماده اعاده ید دعوالری ایچون معین اولان مدتلك مرورنده بجهلنك ۱۶۶۳ نجی ماده سنده بیان اولنان اعذار شرعیه معتبردر . بناءً علیه یکرمی دردننجی ماده ده محرر مدتلك مبدای عذر مشروعا زوال و اندفاعی تاریخندن اعتبار اولنور .

یکرمی سکننجی ماده اعاده ید دعوالرنده مدعی علیهك رفع یدینه دائر لاحق اولان حکم مدعینك مدعی به مالک ویا تصرف اولدیغنی متضمن دکلدور .

بناءً علیه رفع یدینه حکم اولنان شخص محل منازع فیه تملك و یا تصرف ادعا سنده بولندینی تقدیرده دعوی مذکوره اصولی دائره سنده محکمه عاذه سنده آبروجه حل و حسم اولنور .

یکرمی طقوزنجی ماده اعاده ید طلبنده بولنان شخص ایلروده حقسنر چیقار ایسه مدعی علیهک بالجله ضرر و زیانی تضمین ایدمکنه دائر کفالت قویه اراشه ابتدیکی تقدیرده مدعی علیه منازع فیه اولان محله ابنه انشا و اشجار غرس ایتمکدن منع اولنور .

اوتوزنجی ماده محل منازع فیه مدعی علیه طرفندن ابنه انشا و یا اشجار غرس اولتمش ایسه اعاده ید دعواسی اصولاً ثابت اولدقده مدعیک ضرر و زیانیله محروم اوله جفی منفعتی تضمین ایدمکنه دائر تضمینات اعطا ایلدیکی تقدیرده نهایت بر ماهه قدر محکمه عاذه سنده مراجعت ایتمک شرطیله ابنه و یا اشجار صاحبک یدینه و کفالت و برمدیکی حالده تأمینات مذکوره ایله مدعی یدینه و هر ایکسی کفالت کوسترمه مدکوری صورتده ید عدله تودیع اولنور .

اوتوز برنجی ماده منازع فیه اولان محکک برقسمته ابنه انشا و یا اشجار غرسی اولتمش ایسه یالکز ابنه ایله تفرعاتنک و یا اشجارک بولندینی محل حقنده ماده سابقه دائره سنده معامله اولنوب قسم متباقی ید قدیمه صاحبنه اعاده اولنور .

اوتوز ایکنجی ماده ید حادثه صاحبی منازع فیه اولان محله زراعت ایدوبده محصول موسمی ادراک ایتمش ایسه اعاده ید دعواسی اصولاً ثابت اولدقده محصولات بیچهرک مدعی بهدن کف ید ایلمی مدعی علیه امر اولنور .

اوتوز اوچنجی ماده ید حادثه صاحبی طرفندن زرع اولنان تخم هنوز تثبت ایتماش ایسه ید قدیمه صاحبی بخیردر . دیلر سه تخمک مثلی و یا قیمتی اعطا ایله تملك ایدر . و دیلر ایسه منازع فیهک اجر مثلی الهرق محصولک ادراکته قدر انتظار ایلر .

اوتوز دردنجی ماده زرع اولنان تخم تثبت ایدوبده هنوز محصول

ادراك ايتماش ايسه مدعى بخيردر . ديكر ايسه منازع فيك اجر مثلى آلهرق
محصولك ادراك كنه قدر انتظار ايلر . ايسر ايسه ايلر وده اقامه اولنه حق تملك
ويا تصرف دعوا كنده حقسنر چيقدني حالده تخم صاحبك باطله ضرر وزياتي
و حقلى چيقدني تقديره تخمك مثلى ضامن اوله جفنى مين كفالت قويه
ارائه سيله منازع فيه اولان محل كندوسنه توديع اولنور .
(اوتوز بشنجي ماده . قرارنامه ده حكمت علل و اسبابى مندرج اوله حق
و هانكى ماده قانونيه استناد ايدلديكي ذكر اولنه جقدر .
قرار مورخ اولهرق ازرى محكمه نك مهر رسميسيله تخيم و حاكم ايله
ضبط كتابى طرفدن امضا ايديله جقدر . بوشرايط اساسيه رعايت ايدلديكي
حالده حاكم عليه اتخاذ اولنه حق تدابير انتباهيه خلل كلامك شرطيله حكم
واقع كان لم يكندر .
اوتوز آلتنجي ماده بعده حاكم موقع محاكمه عودت ايديه جقدر .
اكر حاكم تفهيم قرارى جلسه آتیه به تعليق ايتماش ايسه بونى بيان ايله تفهيم
اولنه حق قرارى استماع ايتك اوزره اوكون حاضر بولمليرى طرفينه اخطار
ايديه جك و بر دعوت و راقهسى امضا ايتديره جقدر .
بالعكس قرار يازلمش بولنورسه حاكم بالذات آخر آخر و هر كسيك
آكلابه جنى صورتده قرارى قرائت ايله جك و تماميله اكلايوب اكلامدقلىرى
بالسؤال ايجاب ايدرسه ايضاح و افهام ايله جقدر .
دعوايى غائب ايندن طرفه قرار كنديسنجه حق كورولمديكى تقديرده
تميز دعوى ايديه بيله جكنى و حكم اعلامى تبليغ ايديله ججه يوم تفهيم داخل
اولماق اوزره سلكون كون طرفنده بوحقندن استفاده ايديه بيله جكنى و آرزو
ايدرا ايسه اومداتده بالذات كندوسنه و يا ناجيه مديرينه مراجعتله بيان كيفيت
ايلمى لازم كله جكنى و اشوقدركه محكوم له طرفندن كفالت و يرلدكي تقديرده
بو حاكمك موقتاً اجرا قلنه جفنى اخطار ايديه جقدر .
(اوتوز ايدنجي ماده . حاكم ائناي ملذا كرده بعض اهل خبره و وقوفك
استماعى و يا خود كرك طرفين مواجهه سنده و كرك طرفين ايله برابر شهود
مواجهه سنده بر محكم كشفى لازم اولديغنه قرار ويره بيلير . بو تقديرده قرار

مذکور ذخی موقع محاکمہ عدلاً طرفینہ تفہیم اولتوز . قرار قطعی اہل خبرہ
تدقیقاتی و انجاء ایدن محاکمہ کشفی متعاقباً وقوع بولہ حق جلسہ و بریلیر
حاکم اہل خبرہ و بریلہ جک اجر تیلہ شاہد لری و بریلہ جک مصارفی تعیین
ایده جکدر .

اوتوز سکر نجی مادہ مدعی طرفیندن بری ابراز اولان ایدہ اور اقدہ کی
خط و خاتم و امضائی انکار ایادیکی تقدیر دہ صلح محاکمی بالذات ولدی الاقتصا
تنسب ایده جکی ارباب و قوف حاضر اولدقلری حالہ اصول محاکمہ حقوقہ نک
فصل مخصوصہ توفیقاً تدقیق خط و خاتمی اجرا ایده جکدر .

اوتوز طقوز نجی مادہ مدعی علیک محکمہ مبتی و مدعینک دعوا سنک
ردی دعوائی قازانان طرفلہ حکم شہادت لری ابتدا ایدن شاہد لری تقدیر
اولہ حق مصارف ضرورہ سنک و آتید کہ ستریلہ جک خرج اعلامک شخصیلی
محکومتی ذخی تضمن ایدر .

قرعہ بی مادہ صلح محاکمہ دائرہ اقتضائندہ کلوب کچن و یا موقعتاً
مقیم ارلان اشخاص طرفدن ابقاع ایدلش ضرر و خسارہ و یا خود ایفا
ایده مش تمہداتہ متعلق بر دعوی اقامہ سی اقتضا ایستیکی و صلح محاکمی
هنوز اوراہ اصل اولدینی حالہ تمہدک عدم ایفا سنندن و یا ابقاع ایدین
خساردن متضرر اولان شخص مدعا بہی اثبات ایچون یئندہ بر سندی اولدینی
حالہ آنسکہ و یا خود شاہد لریلہ ناجیہ مدیرینہ مراجعت و مدعی علیک
اموال و ذخائر و حیواناتہ تماماً و یا قسماً حجج احتیاطی وضعی طلب
ایده بیلہ جکدر .

مدیر طلب مذکور ذخی متضمن بر ضبط ورقہ سی تنظیم ایده جک و مدعی بہ
امضا و یا تختم ایستیرہ جکدر . بونک اوزرینہ طلب مذکور مبتی اولدینی
حادثہ تی و طرفینک اسمی و طلبک نیدن عبارت اولدینک خلاصہ تعریفی مبین
بر علم و خبر اعطا ایده جکدر . و مدعی بہ شاہد لریلہ برابر ایلک جلسہ محاکمہ
ایچون حاکم حضورینہ کیتمسنی اخطار ایده جک و یوم محاکمہ تی تعیین ایدرک
او کون حضور حاکمہ اثبات وجود ایملری ضمنندہ بر دعوت ورقہ سی
امضا ایستیرہ جکدر .

بو مراحمك ايفاسندن صكره مدير حجزى طلب اولنان اموال و ذخائر و حيواناتك در حال حجزيه مباشرت ايدمك و بونبرى بر محل مخصوصه وضع ايله تعيين ايدمك چكى محافظت نظارتى تحتند حفظ ايتدريمك چكدر انجق اموال مجوزم مياننده متسارع الفساد اولانلرى بولندينى صورتده بالماز ايدم اثمانى محافظله ايدمك چكدر . عيى زمانده مجوز عليى دخی نزدينه جلب ايله تعيين اولنان محاكمه حاكم حضورنده اثبات وجود ايتمى امر ايدمك و عكسى تقديرده غياباً محكوم اوله جغى و اموال مجوزمك صائيله جغى اخطار ايايه چكدر . و تعيين اولنان يوم محاكمه ايجون كنديسنه بر دعوت ورقهسى امضا و يا تخيم ايتدريمك و استنكافى حالده شرح ايليه چك و كيفيتى در حال حاكمه بيلدريمك چكدر .

حاكم حين مواصلتند مدير حادثيه متعلق بالمله اوراقى كنديسنه توديع ايدمك و حاكم مستعجلاً طرفيى استماع ايدرك اساس حقند قرارينى ويرمك چكدر . منازعه ايلك محاكمه حل اولنمدينى تقديرده حاكم اول امرده مدير طرفندن ياپيلان حجز حقند بر قرار اخذ ايدمك چكدر بو بابده كى قرار هيچ بر طريق قانونى به تابع دكلدر .

فرق برنجى ماده بر مصلحت قرار قطعى ايله فصل و حسم اولنوبده تميز ايلديكى صورتده او مصلحت متعلق اولان دوسيه مرتب اوله رق حاكم طرفندن محكمه تميز استدعا دائرهسى رياسته كوندريله چك و تميز وقوع بولندينى صورتده ينه مرتب اوله رق حاكم منسوب اولدينى بدايت محكمهسى قلمندره حفظ اولنمك چكدر . مع هذا غياباً و يريلن حكملرده مذكور دوسيه آنجق ثابت حق اعتراضى استعمال ايتديكى و حكم كسب قطعيت ايلديكى آكلاشيلدقن صكره كوندريله چكدر .

فرق ايكنجى ماده اعلامك فقره حكيمه سنك بر رقطه سورت مصدقهسى حاكم طرفندن مورخ و مختوم اوله رق ضبط كاتى معرفيله طرفينه اعطا قنور . مذكور صورتلر دعوى دوسيه سنك صره نومروسنى دخی حاوى اولمى لازمدر .

فرق اوچنجى ماده مدت تميز تاريخ تفهيمك ايرتمى كونندن اعتباراً

سکزر کوندر . بومدت دعوائی وجاهاً رد اولنان مدعی حقنده دخی جاریدر .
 قرق دردنجی ماده تمیز اتمک ایستین طرف فقره حکمیه صورتی
 حامله حاکم ویا ناحیه مدیری زردینه عنیمتله بو حکمه قناعتی اولمادیغنی و تمیزاً
 تدقیق ایتدیرمک ایستدیکنی بیان ایده جکدر .

حاکم ویا مدیر بو حکمی قبول ایتماک ایچون اسباب موجبہ مخصوصه
 موجود اولوب اولمادیغنی کندیسندن سؤال ایده جک وکاتبی معرفتله تمیز اتمک
 ایستین طرفک بیاناتی متضمن بر ضبط ورقه سی تنظیم ایتدیره رک کندیسنه
 لدی القرائه زیرینه امضا ویا مهر ویاخود اشارت وضع ایتدیره جکدر .

بونی متعاقب طرفینک اسمنی و دعوی دوسیه سنک نومروسی حاوی اوله رق
 وقوع تمیزی مبین بر علم و خبر ویره جکدر . مراجعت مدیره وقوع بولمش
 ایسه مدیر درحال بو طلب تمیز ضبطنامه سیله محکوم علیه طرفندن تودیع اولنان
 فقره حکمیه صورتی محکمه تمیزه لاجل الارسال حاکمه کوندره جکدر .
 محکمه تمیزک دعوائی تدقیق ایتمی ایچون بو مراسممک ایفائی کفایت
 ایدر .

آنحقی طرفین طلب تمیزده بولمقله برابر حکم اعلامنه اسباب تمیزیه لری
 مبین بر لایحه ربط ایتمکده دخی بخیردرلر . بو تقدیرده طلب تمیز علم و خبرنده
 بر لایحه دخی تودیع ایدلمش اولدینی ذکر ایدیه جکدر .

قرق بشنجی ماده تدقیقات تمیزیه اوراق اوزرنده اجرا و صلح
 حاکماریک اعلاماتی حاکمک آنحقی وظیفه وصلاحتی نقطه سنک و اساس حکمک
 قانونه مخالفشدن ناشی نقض اولنور . اصول محاکمه یه عدم رعایتی ابطال حق
 موجب اولمش ایسه کذلک اعلام نقض اولنور . و ابطال حق موجب اولیه حق
 صورتده اصول محاکمه یه عدم رعایت نقض حکمی مستلزم اولماقله برابر محکمه
 تمیز اعلامندن بونک همه حال تصریح اوللمسی لازمدر .

قرق بشنجی ماده صلح حاکماری اعلامی اوزرینه صادر اوله حق محکمه
 تمیز اعلامی تصحیح قرار اصوله تابع دکلدز .

قرق بدنجی ماده اعلام نقض اولندیغنی حالده نظر اولنور اکر بو نقض
 صلح حاکمک وظیفه وصلاحیتندن منبت ایسه محکمه تمیز نقض ایله برابر تعیین

مراجع ایدہ جک واکر اساس حکمک قانونہ مغایرتندن ناشی ایسہ حکمی ویرن
حاکمہ اعادہ اولہ جق و حاکم طرفندن تمیز اعلامی طرفہ اعطا اولمق اوزرہ
مباشر ویا ضابطہ ماہور بنہ تودیع اولہ جقدر و رؤیت محاکمہ ایچون مراجعت
وقوعندہ حاکم محکمہ تمیزک قرارینہ اتباعہ مجبور اولہرق دعوای یکیدن رؤیت
ایدہ جقدر .

دردنجی فصل

حکم غیابی

قرق سکنرنجی ماده . محکمہ جہ معین اولان کونده مدعی اثبات وجود
ایتمدیکی تقدیرده دعواسنک موقه سقوطنہ ومدعی علیہک طلبیلہ محکمہ جہ تقدیر
ایدیلہ جک ضرر وزیاتی تضمین ایتمسہ قرار ویریلیر .

قرق طقوزنجی ماده . محکمہ جہ معین اولان کونده مدعی علیہ اثبات
وجود ایتمدیکی تقدیرده حاکم مدعینک دعواسنی غیاباً رؤیت وحکم ایدر .
النجی ماده . غیاباً حقدنم حکم ویریلن طرف اعلامک تاریخ تبلیغنک
ایرتسی کونسندن اعتباراً بش کون ظرفندہ اعتراض ایتمک حقی واردن .
اعتراض طریق تمیز مراجعتدہ اولدینی . ثللو حاکم ویا ناحیہ مدیرینہ
شفافاً بیان ایله اولور . بو حالده اعتراض ایدن محکوم علیہ بر اعتراض علم
وخبری ویریلیر ومراجعت مدیرہ وقوع بولمش ایسہ علیہنہ اعتراض اولنان
اعلام غیابی فقرہ حکمیہ سی حاکمہ کوندیریلیر وبو صورتده اوجنجی فصلده محرر
معاملہ یه توفیقاً دعوی یکیدن رؤیت اولنور .
اللی برنجی ماده . حاکم اعتراض علی الحکم دعواسنندہ معترضک حقی
اولدینغہ حکم ویرسہ بیلہ محاکمہ غیابیہ مضر فک کندیسندن تحصیلہ حکم
ایدر .

اللی ایکنجی ماده . معترض ایکنجی دفعہ دخی محکمہ دہ اثبات وجود ایتمدیکی
تقدیرده اعتراضی رد اولنورق حکم بابقک تصدیقہ قرار ویریلیر . قرار مذکورک علیہنہ
تکرار اعتراض درمیانی قبول اولتماز وبو صورتله تصدیق اولنان حکم غیابی

محاکمه و جاجیه ایله صادر اولان حکم قوتی اکتساب ایدر. بوندن بشقه اعتراض محاکمه سنک بالمله مصارفی دخی ابقایه محکوم اولور.

اللی اوچنجی ماده : دردست رؤیت اولان بردعواده طرفین صفتیله دعوت ایدلمین و فقط دعوای مذکورده علاقه دار اولدیغنی ادعا ایدن هر شخص داخل دعوی اولسنی طلب ایده بیلیر. و حاکم ایجاب حاله کوره قرار ویریر. طرفینک دخی بر شخص ثالث داخل دعوی ایدلمسنی طلب ایتمهک حقی واردر.

داخل دعوی اولمق طلبی دعوایی رؤیت ایتمهکده بولنان حاکمه علی العاده شفاهاً مراجعتله وقوعبولور. و محاکمه نك ختامنه قدر ایسته نیلیرسه بوطلب درمیان ایدیه بیلیر.

اللی دردنجی ماده : حقوق دعوایزنده داخل محاکمه اولمیان هر شخص صلح حاکمی طرفیدن صادر اولان حکم کندی حقوقه مغایر اولدیغنی تقدیرده اعتراض الغیر صورتیله علیه اعتراض ایده بیلیر.

اللی بشنجی ماده : اعتراض الغیر اصلی حکم معترض بهی اعطا ایدن صلح حاکمه افاده اولور. بر حاکم نزدنده دردست رؤیت بردعواده دیگر بر حاکمکن صادر اولوب ابراز ایدیلان اعلام علیه واقع اوله جق اعتراض الغیر طاری دعوایی رؤیت ایتمهکده بولنان حاکمه افاده ایدیلیر.

اللی التنجی ماده : صلح حاکمک سنک اعلامی علیه ویریلن اعتراض الغیر ۲۶نجی ماده موجبینجه حکم مذکورک بشرط الکفاله موقتاً اجراسنی منع و تأخیره سبب اوله ماز.

اللی یدنجی ماده : اصول محاکمه حقوقیه ده معین اولان اسبابدن برینک وجودی حالنده مدعی و یا مدعی علیه حاکمک ردی طلب ایدم بیلورلر. بوقدیرده رد حاکم استدعایی قضا بدایت محکمه سی رئیس اعطا اوله جق و در حال رئیس طرفندن برصورت مصدقه سی حاکمه تبلیغ ایدیه جکدر. آله جق جوابنامه اوزرینه مدعی عمومینک مطالعه تحریریه سی اخذ اولندقدنصرکه محکمه جیه رد حاکم قبول اولندیغنی تقدیرده قضا محکمه سی رئیس یا بالذات محله عنیمتله دعوایی رؤیت ایده جک و یا خود اعضادن برنی بوخصوصه مأمور ایده جکدر.

انجق رد حاکم استدعای مدعی طرفندن ایسه دعوايه ومدعی علیه طرفندن ایسه محاکمه دخیولدن اول ایراد ویرلمک شرطدر .

رد حاکم استدعای قبول اولمדיنی حاله بونی طلب ایدن شخص الی غروشدن اکیوز غروشه قدر جزای نقدی به محکوم اولور .
رد حاکم طلبنه متعلق مقررات هیچ برطریق قانونیه تابع دکلدر .

بشنجی فصل

مواد جزائیه ده اصول محاکمه

اللی سکرنجی ماده : قباحه دعوالریله بوقانونک ایکنجی فصلنده بیان اولان جنحه دعوالرینک اصول محاکمه سی بالخاصه طرفینک وشاهدلرک جلب ودعوتی وابتدای محاکمه ده صورت استجوابلری نقطه نظرندن بوقانونده معین اولان حقوق دعوالرینک اصول محاکمه سنده وضع ایدیلن قواعدک عیندر .
شوقدرکه مواد حقوقیه ده کوستریلن تشبثات صلاحیه ایله مدعی علیه نه یمین ویرمک وشاهدلرک اولجه مصارف ضروریله ری آلتق اصولی مواد جزائیه ده جاری دکلدر . حاکم کرک جرمدن متضرر وطالب تضمینات اولان شخصک دعواسیله وکرک ضابطه عدلیه وظیفه سیله مکلف اولان ناحیه مدیری وضابطه محلیه مأمورلری وقریه ویاحله هیأت اختیاریه سی طرفندن تحریراً ویاشفاهاً وقوع بولهجق اخبار اوزرینه دعوائی رؤیته ابددر .

کذلک متضرر اولان شخص دخی صالح حاکمک ناحیه یه ورودینه انتظار اتمکسزین مدیرک زردینه عزیمتله مطالباتی درمیان اتمکده مختاددر . بوتقدردده مشکینک دعوی ضبطامه سی وشاهدلرک تعین وتوسیعی وبولره متعلق اوراقک تنظیمی مدیر وکاتب واسطه سیله مواد حقوقیه داتراولان ۱۰ نجی ماده حکمنه توفیقاً اجرا اولنور .

مواد جزائیه ده اهلیت شهادت کیفیتی اصول محاکمات جزائیه قانوننده تعیین ایدیلن احکام دائره سنده در .

اللی طقوزنجی ماده : ماده سابقه ده محرر احوالده ناحیه مدیری درحال

مظنون علیہ - ضروریتہ جلب ایدہ جک و مشتکینک دعوی ضبطنامہ سی کندیسنه قرائت ایدہ رک نه جواب ویرہ جکئی ومدافعه سی ایچون دعوت ایتدیره جک شاهدلری اولوب اولمادیقنی سؤال ایدہ جک وکاتب معرفتیه برضبطنامہ تنظیم ایتدیره رک کندیسنه امضا وختیم ویاخود اشارت مخصوصه وضع ایتدیروب بونی مدعینک دعوی ضبطنامہ سیله برابر حا که ارسال ایلہ جکدر . حاکم دخی ایلک جلسہ محاکمه ایچون طرفینی وشاهدلری دعوت ایلہ جکدر .

التمشچی ماده : اگر فعل سرقت جرائمندن ایسه ناحیه مدیری مظنون علیہ استجواب ایتدکدن صکره فعل مذکورک مرتکبی اولدیقنی احساس ایدر اماره موجود اولدینی صورتده مظنون علیہ موقتاً توقیف ایدہ بیلیر . وکیفیتی درحال صلح حا کنه اخبار ایدر .

مع هذا مظنون علیہ او قضا اها لیسندن بولندینی وقضا داخلنده دائمی بر اقامتکاهی اولدینی تقدیرده کفالت معتبره مالیه ویا تأمینات نقدیه ارا نه سی حالنده مطلقاً تخلیه سیله اجرا اولنور .

کفالتله تخلیه سیل مظنون علیہ طرفندن طلب اولنه جفی کبی اقربا و اجاسی طرفندن دخی طلب اولنه بیلیر . تأمیناتک مقداری وکفیلک اعتباری ناحیه مجلسنجه تقدیر و تصدیق اولنور . هیچ بروقتده مدیر مظنون علیہ اختلاطدن منع ایدہ منر .

التمش برنجی ماده : سرقت وکتم اولنان اشیایی میدانه اخراج ایچون ضابطه معرفتیه وقریه ویا محله هیئت اختیاره سیدن ایکی کشی حضوریه ناحیه مدیرینک هر دلو تحریات اجرا سنه حتی واردر .

بو حالده تحریاتک صورت اجرا سنی متضمن تنظیم اولنه جق ضبط ورقه سی ضابطه مأموریه حاضر بولنانلر طرفندن امضا ایدیه جک ودعوی دوسیه سنه وضع اولنقی اوزره مدیره تودیع اولنه جقدر .

التمش ایکنجی ماده : صلح حا کمی نتیجه محاکمه ده مظنون علیک حبسنه حکم ایتدیکی حالده مظنون علیہ ذاتاً موقوف ایسه تخلیه سی ویا مقدما ناحیه مدیری طرفندن وقوع بولمش اولان تخلیه سیلنک تصویب ویاخود ردیه مظنون علیک تحت توقیفه آلمسی حقنده ده برقرار ویرہ جکدر .

التمس او چنانچه ماده : صلح حاکی حکمی تفهیم اتمکله برابر حکم مذکور کون قابل استیناف و یا تمیز اولدیفنی و بوطریق قانونی به ایسترسه در حال و ایسترسه تفهیم تاربخندن سکزر کون ظرفنده نشب ایدم یله جکفی محکوم علیه اخطار ایدم جکدر .

محکوم علیه در حال بوطریق قانونی به تشب اتمک ایستد بکفی بیان ایدم یله تقدیرده افاده سنی مبین برضبط ورقه سی طوئدره رق کندیسنه استیناف و یا تمیز علم و خبری اعطا ایدم جک و دعوی دوسیه سنک استیناف و یا تمیز و قوغندن بختله محکمه استیناف و یا تمیزه ارسالی ضبط کاتبه امر ایدم جکدر .

محکوم علیه سکوت اتمس و یا خود بر کونه طریق قانونی به تشب اتمکله جکفی بیان اتمس اولسه یله سنک سکزر کون ظرفنده حکم واقعی استیناف و یا تمیز اتمکله مختاردر .

التمس درنجی ماده : مدعی شخصی دخی تاریخ تفهیمدن سکزر کون ظرفنده حقوق شخصیه سندن طولابی حکمی استیناف و تمیز اتمکله حتی واردر .

التمس بشنجی ماده : استیناف و تمیز اتمکله ایستین طرف ناحیه مدیرینه مراجعتله دعواسنه دائر صادر اولان محکومیت و یا براثت حکمنه قانع اولمایدندن بختله حکم مذکور کون تدقیق ایدلسی ارزوسنده بولندیفنی بیان ایدم جکدر . مدیر بوحکمی عدم قبول ایچون اسباب اولوب اولمایدیفنی سؤال ایدم جک و کاتبی معرفتله بوطلبی متضمن بر ضبطنامه تنظیم وزیرخ تصدیق ایدم یله جکدر و طرفینک اسم و شهرتی و غایت مختصر صورتده حکمک خلاصه سنی مبین ارله رق مورخ و ممضی بر طلب استیناف و یا تمیز علم و خبری اعطا ایلیم جکدر .

ناحیه مدیری در حال بوضبطنامه بی حاکمه تودیع ایدم جک و حاکم دعوی دوسیه سی میانه وضع ایلیم استیناف و یا تمیز ایدم یله اولدیفندن بختله بودوسیه سی مرجع استیناف اولان محکمه و یا تمیز ریاسته ارسال ایلیم جکدر .

التمس التبعی ماده : استیناف و یا تمیز طلبی ایچون مواد سابقه ده بیان اولئان مراسمک ایفامی محکمه استیناف و یا تمیز کون دعوائی رؤیت اتمسی ایچون کافیدر . لکن طرفین استیناف و یا تمیز طلبی در میان اتمکله برابر اسباب استینافیه

و تمیز به لری مبنی لایحه اعطاسنده دخی مخیر در لری . بوقتدیرده طلب استیناف
و با تمیز علم و خبرنده لایحه ویرلمش اولدینی دخی ذکر ایدیه حکدر .
التمش بدخی ماده : تمیز طریقته مراجعت ایدلمش اولدینی تقدیرده محکمه
تمیز استدعا دائره سنجه جریان ایدیه جک اصول ۴۵ نجی مادهده بیان اولئان
اصولک عینیدر .

صلح محکمه لری نیک اعلامی حاکمک وظیفه و صلاحیتی نقطه سنده و حکمک
قانونه مخالفدن و صلح محاکمه لری نه متعلق اصول محاکمه به مغایرتدن ناشی
نقض اولنور .

التمش سکرنجی ماده : صلح حاکم لری نیک صادر اولان اعلام علیه محکمه
استینافده اصول محاکمه نقطه نظرندن در میان اولنه جق اعتراض آنجق اشو
قانونه مخالف معامله جریان اتمش اولسنه منحصر اولوب اعلام مذکور فسخ
ایدلیدن صکره اصول محاکمات جزائییه قانونی وجهله یکیدن محاکمه اجرا
قلنه جقدردر .

التمش طفوزنجی ماده : بر مسئله جزائییه صادر اولان حکم آنجق قابل
تمیز ایسه مدعی شخصی لهنه حکم اولئان ضرر و زیان و تضمینات حکم لری
کفالت اعطا قلمق شرطیه موقتاً اجرا قلمور .
بتمشجی ماده : صلح حاکمک مواد جزائییه متعلق اولان قراری نقض
ایدلیدی تقدیرده اوراق دعوی حکمی ویران محاکمه اعاده اولنور . و حاکم
نقطه منقوضدن بدأ ایله اجرای محاکمه ایدر .
بتمش برنجی ماده : صلح حاکم لری نیک خنجه اعاده لری نه و برکاری حکم لری
منسوب اولدق لری بدایت محکمه لری ندم استیناف اولنور .

الفصل النجی

التمش ایکنجی ماده : دعوی قانانان طرف ناحیه مدیرینه مراجعتله فقره
حکمه نیک تودعیله اعلامک اجرایی ویر علم و خبر اعطاسنی طلب ایدیه حکدر .

مدیر بوبابده بر طلب اجرا ضبطنامه سی تنظیمیله زیرینی محکوم له امضا و تختم و یاخود اشارت مخصوصه وضع ایستدیره جک و فقره حکمیه نك نومرو و تاریخنی مبین اوله رق کندیسنه مختوم و مورخ بر طلب اجرا علم و خبری ویره جکدر .

یتمش اوجنچی ماده : مدیر اعتراض و تمیز مدت لرینك چکش اولدیفنی کوردیکی حالده محکوم علیهی جلب ایله حکمی بالرضا انفاذ ایتمه دعوت ایلیه جکدر . محکوم علیهی بر طلب اعتراض علم و خبری ابراز ایستدیکی حالده اجرا تأخیر اولنه جکدر . طلب تمیز علم و خبری ارازی حالده مدیر محکوم لهی دعوت ایدم جک و حکم مذکور تنفیذ اولنق اوزره معتبر و مصدق بر کفیل اعطا ایتسنی تکلیف ایلیه جکدر . کفالتنامه نك محله و یا قریه هیئت اختیاریه سنجه تصدیق ایدلمسی کافیدر .

یتمش دردنجی ماده : ناحیه مجلسی کفالتی شایان قبول بولدیفنی و یا مدیون محکوم اعتراض و تمیز طریقه مراجعت ایتمه مش بولندیفنی تقدیرده ناحیه مدیری مدیون محکومه براخطار نامه کوندره جک و بونده اعلامده کی طرفین متعارضینك اسملری و دعوانك اساسی و تأدییه اولنه جق مبالغك مقداری کوستریله رك ۴۸ ساعتده بالرضا تأدییه ایتمی و عکس تقدیرده اموال منقوله سنك حجز و فروختی صورتیله ادایه اجبار ایدیه جکی بیلدیریه جکدر .

ضابطه مأموری بواخطار نامه یی محکوم علییه بولنه مدیفنی تقدیرده خانه سنده مقیم عائله سی افرادندن برینه تبلیغ ایلمکله برابر ۴۸ ساعت ظرفنده دین محکوم بهی تأدییه ایتدیکی حالده اموال منقوله سنك حجز و فروخت اولنه جقنی شفاهاً دخی بیان ایلیه جکدر .

ضابطه مأموری محکوم علییه و یا عائله سی افرادندن برینه تبلیغ ایتمش ایسه آنك امضا و یا مهرینی و یا اشارت مخصوصه سی حاوی بر تبلیغ علم و خبری استحضال ایدم جک و بوعلم و خبرك بر صورتی دایینه ویرمك اوزره مدیره تودیع ایدیه جکدر .

تبلیغ علم و خبرینی امضادن و یا وضع اشارتدن استنکاف اولنا یعنی و یاخود خانه نك قبوسی قیایله رق ضابطه مأموری خانه یه قبول ایدم یکی حالده ضابطه مأموری اون برنجی ماده نك فقرات اخیره سی وجهله حرکت ایدوب بر ضبط

ورقه سی تنظیم ایدہ جک و ہونک بر صورتی دایہ ویرلمک اوزرہ مدیرہ تودیع ایدیلہ جکدر .

تمش بشنچی مادہ : اخطارنامہ نیک تبلیغندن و یا خود ضبط ورقہ سنک تنظیمندن ۴۸ ساعت ظرفندہ مدیون تأدیہ دین ایتدیکی تقدیردہ مدیر بر ضابطہ مأمورینہ ناحیہ کاتبیلہ قوہ کافہ ترفیق ایدہ رک مدیونک اقامتکاهنہ کوندرہ جک و ہونلر قریہ نیک مختاریلہ امامی و یا باباسنی بالاستحصاب حضور لرندہ مدیون محکومک اموال منقولہ سنک حجزینہ متعلق معاملہ یی ایفا ایلہ ضبط ورقہ سی تنظیم ایدہ جکدر .

حجز ایچون کیریلہ جک محلہ دخولہ ممانعت ایدلدیکی تقدیردہ ضابطہ مأمور قبویی آجسنی و عکس تقدیردہ قبویی قیرہ رق ایجری بہ کیرہ جکنی اوچ دفعہ یوکسک سسلہ اخطار ایدہ جکدر . بواخطار مکررہ رغماً قبو آچلمادیقی تقدیردہ ضابطہ مأموری وقوع حالی متضمن بر ضبط ورقہ سی تنظیمیلہ حاضر ونہ امضا ایتدیرہ جکدر . ہونندن صکرہ قبویی قیرمقسزین بر آناختار ایلہ آچق قابل اولماز سہ قیرہ رق ایجری بہ کیرہ جکدر .

تمش التنجی مادہ : حجزک اجر اسندہ ضابطہ مأمورینک طائفہ نسایہ صالح اولان اشیا اولجہ تفریق ایتدیرلمک شرطیلہ بتون قبولری و دولابلری آجغہ حق وارد . آنجق نہ محکوم علیہک و نہدہ افراد عائلہ سیلہ خدمتکار لرینک اوزر لرینی تحری بہ صلاحیتی یوقدر .

تمش بدنجی مادہ : اجرای حجزہ مأمور اولان ضابطہ مأموری ایفادینہ کفایت ایدہ جک مقدار حجز ایتدیکی اشیانک تفصیلاتی و مقدار و اوصافی و اگر موجود ایسہ التون و کوش طاقلرک ثقلتنی و محصولات و حبوباتک و سائر اشیانک جنسیلہ کیل و مقدارینی مبین و موضع بر ضبط ورقہ سی تنظیم ایدلہ جکدر .

تمش سکرزنجی مادہ : اولاً محکوم علیہک کنڈیسنہ و کنڈیسیلہ برابر مقیم اولان افراد عائلہ سنک مقتضی یتاق طاقی و معجوز علیہک کیجہک و کوندوزلک برر طاقم البسہ سی و لوازم عباداتندن اولان اشیا سی و معجوز علیہ ایلہ عائلہ سی افرادنجہ استعمالی ضروری اولان مطبخ و سفرہ حمام طاقلری حجز اولنہ ماز . آنجق مجلہ نیک ۹۹۹ نجی مادہ سنک صوک فقرہ سی بو بابدہ نظر دقتہ الہ جقدہ .

بودن ماعدا البسه و فضله لوازم عبادات و مفروشات و زینت آلات و اشیای سی و حلیات و تجمعات بیتیه و علی العاده استراحت مخصوص اولان اشیای قابل مجز در.

ثانیاً: محکومك مسلك و صنعتته متعلق کتابلری .

ثالثاً: محجوز عليك اجرای صنعتی ایچون استعمالی ضروری اولان آلات و ادواتی

رابعاً: مديونك البسه و سائر لوازم و سیمیه سی .

خامساً: زراعتك آلات و ادواتی و تخلفی .

سادساً: محجوز عليك و افراد عائله شك — آيلقيله تدارك اولنان محللرده

بر آيلق و قيشلق ذخيره لك تدارك معتمد و ضروری اولان محله بر قيشلق — ذخيره

و محروقات شتایه سی .

سابعاً: محجوز عليك اوکوز، اينك، آت، ماندا، استر و مرکب لی معیشتی

ایچون زراعتده استعمال ایتمی حیوانیله بر اینك و یا برماندا آلتی قیون و یا

یکجی و اوت ویمی .

ثامناً: اصحاب معاشك ربع معاشندن فضله سی .

تاسعاً: موقع محاربده بولنان و یا موقع محاربیه سوق ایديلان امرا و ضابطان

و نفرات ايله سائر مأمورین دولتك معاشلری مجز اولنه من . و محجوز ایسه حرب

مدتجه توقفات اجرا اولمز .

بوماده عینا ستون مجز و ضبط ورقه لری بالاسنه درج اولمق و مجز و قوعندن

اول ضابطه طرفدن محجوز علیه و یا انشای مجز دم موجود بولنان افراد عائله سنه

قرائت ایدمك اقتضا ایدر .

تمش طقوز ییچي مادم : چنك وقوعنه دائر اولان ضبط ورقه سی مجزی

اجرا ایدن ضابطه مأمور یله رفاقتده کیده چك مأمور لر و هیئت اختیاریه دن

حاضر بولنانلر طرفدن امضا ایدله چکدر .

بونك ایکی نسخه سوری چیقار یلوب بری محجوز علیه بر ایلجه حق . دیگر ی

حاجزه ویر یله چکدر . ضبط ورقه سنك اصلی ناحیه مدیر یه تودیع اولنه چقدر ایدر

سکسائی مادم : محجوز عليك بدینه بر ایلان مجز ضبط ورقه سی

ذیرینه تاریخ مجز دن بش کون مدت طرفنده تأدیبه دین اولمدیغی حالده اموال

محجوزة ملك فروخت اولنه جنى و محجوز عليهك برديه چكى اولدني تقديرده ناحيه
مدیری نؤدينه عرضمئله بيان الیسی لازم كله چكى تحریر و علاوه اولنه جقدر .

سكسان رنجی ماده : ضابطه مأموری قانوناً قابل حجز اشیا و امواله دسترس
اوله مدینی تقدیرده بوكا دائر برضبط و ورقه سی تنظیم ایده جك و بوضبط و ورقه سنك
اصلی ناحیه مدیرینه تودیع اولنوب صورتی حازمه اعطا قلمه جقدر .

سكسان ایکنجی ماده : صاتیله حق اشیا ممکن اولدنی قدر بر و یا بر قاج
اوطه ده جمع اولنه رق قبوسنك اوزری ضابطه مأموریه مختار و حاضر و ن طرفدن
مهرله جقدر . اشبو اشیاى مختومه بی و مهر نفسی قابل اولمیان اشیا ایله حیواناتی
محافظه ایچون ضابطه مأموری کفیل اخذیه محجوز علیه یدنده بر اقبیله چكى کبی
کفیل ارانه اولندنی تقدیرده اجرتی محجوز علیه عائد اولوق اوزره بر محافظ
تعین اولنه جقدر . شو قدر که اشیاى محجوزه میاننده متسارع الفساد اولانلر در حال
بالمزاید بیع اولنه رق اثمانی ماده آتیه ده کوسترلدیکی وجهله حفظ اولنه جقدر .

اشیاى محجوزه بالكفالة محجوز علیه یدنده بر اقلدنی حالده بلا استهلاك
انتقاعی قابل اولان مواده محجوز علیهك مدت حجز ظرفیده انتفاعیه مؤتلك
تامینی مجازدر .

سكسان اوچنجی ماده : حجز وثبت دفتر ایدیلان نقود بر کیسه درونه
قونیله رق و اوزری ضابطه مأموری و حاضر و ن طرفدن مهرله رك صاتیله حق
اشیاك اثمانه علاوه اولنوق اوزره ناحیه مدیرینه تسلیم اولنه حق و هر حالده
معامله حجزیه محجوز علیه حقنده اهون وافع اولادن بدا اولنه جقدر .

سكسان دردنجی ماده : اشیاى محجوزه یاقریه بازارنده و یاقریه ده بازار
موجوددكسه و یقین محله بازار اولندنی صورتده اك یقین ناحیه و یاقضا جاروشونده
صاتیله جقدر . محجوز علیهك اقامتگاهنه اك یقین اولان عمومی بر بازارده
صاتیله حق و هر کون بازار کشاد اولندنی تقدیرده ایام مخصوصه کشادنده بیع
اولنه جقدر . بیعدن مقدم كرك محل بینك مناسب یزیریه و كرك معابد قبولرینه
یافته لری بشدیریه حق و بونده اسباب بیع ایله محجوز علیهك اسمی ذكر اولنفسرین
صاتیله حق اشیاك نوع و جنسی ایله یوم و محل بیعی کوستریه جقدر . بوندن
بشقه كرك محجوز علیهك قریه شده و كرك ناحیه مركزنده ایکی دفعه مختلف

کونلده منادی معرفتيله اعلان ايتديريله جك وصول اعلان يوم معين يبعدين
لااقل ۲۴ ساعت اول پايديريله جقدر .

سكسان بشنجي ماده : ناحيه مديرى طرفندن تعيين اولنان كونده اشياى
محجوزه حاجزك معرفتيله صاتيله جق محله نقل اولنه جق و حاجزك فقر حالتندن
ناشى مصرفي ايفايه عدم اقتدارى اختيار مجلسنك تصديقي ايله ثابت اولدينى تقديرده
حاجزك طابيله مصارف نقليه ثمن مبيعدن استيفا اولمق اوزره مدير طرفندن
نقل ايتديريله جقدر .

هر ايكي تقديرده كيفيتى مدير طرفندن تعيين اولنان بر مأمورك تحت
محافظه سنده اجرا قلنه جقدر .

سكسان التجي ماده : اشيا نك بالمزايدة يبي مدير طرفندن مأموراً كوند .
ريله جك ناحيه مجلس اعضاسندن برينك و ايتديكي تقديرده بالذات محجوز
عليك حضور لرنده منادی معرفتيله اجرا قلنور . بوكا دائر ضبط ورقسى مدير
تعيين ايتديكي بر كاتب طرفندن طوتيلوب حاضر بولنان اشخاص طرفندن
امضا ايديله جقدر .

سكسان يدنجي ماده : ساتيلان اشيا نك ثمنى مديره تسليم اولنه جق و اوده
ناحيه مجلس اعضاسندن ايكي كشي حضورنده دايئرله توزيع ايده جقدر .
ثمن مذكور دن اولاشيا محجوز نك مصارف محافظه سى . ثانياً اگر
واقع اولمش ايسه مصارف نقليه . منادی مصرفي رابعاً مصارف محاكمه و باقيسندن
حاجزك معلوباتنك تمامي كنديسنه اعطا قلنه جقدر . بونى متضمن بر ضبط
ورقسى تنظيم اولنه رق مدير ايله موجود ايكي اعضا و حاجز طرفندن امضا
ايديله جقدر . بوضبط ورقه نك مدير طرفندن مصدق بر صورتى دين مطلوبك
مقدارى تحصيل و ايفايه ايديله بياشمش ايسه اونك مقبوض سدى مقامنده اوله رق
محجوز عليه توديع اولنه جق و ديكر صورتى حين طلب حجزده توديع ايتديكي
فقره حكيمه ايله برابر حاجزه اعطا ايديله جقدر .

سكسان سكرنجي ماده : اشياى محجوز نك صاتيله جنى كون اعتراض
مسموع اولماز .

اسباب اعتراض : اولاشياى محجوزه ميانده حجز و يبي قانوناً ممنوع

اولان اشیا موجود بولندیفنگ مجوز علیه طرفندن ادعا ایدلسی. نایباً اشیاى مجوزیه ویا بر قسمنه شخص ثالث طرفندن ادعای استحقاق اولنسی در .
سکسان طقوزنجی ماده : اعتراض ناحیه مدیرینه بیان اولنرق برضبطنامه تنظیم استدریله جک وزیری معترض طرفندن امضا و تخیم ویا اشارت مخصوصه وضع اولنه جقدر. مدیر معترضه امضاسی تختنده ومورخ بر علم و خبر ویره جک وضبطنامه یی صالح حاکنه ارسال ایلیه جکدر. حاکم معترضی وحاجزی و اعتراض ایدن شخص ثالث اولدینی تقدیرده مجوز علیه یی و اعتراض واقع اشیاى مجوزیه میاننده مجزی قانوناً ممنوع اشیا بولندیفنه متدائر ایسه مجزی اجرا ایدن ضابطه مأمورینی حضورینه دعوت ایلیه جکدر . دعوی علی العاده رؤیت اولنه جق و نتیجه سینه قدر اشیا نك بیی تأخیر ایدیه جکدر .

طقساتخی ماده : اگر اجراسی طلب اولنان فقره حکمیه بریاره نك ایفاسنه متدائر اولیوبنده بر فعلك اجراسنه و از جمله بر مأمورك تحلیه سینه وبا ذی الیدك اعاده بدینه متعلق اولورسه اجراسی كذلك ناحیه مدیرینه عائد اوله جقدر .
مدیر بوطلب اجراده یتش ایکنجی ماده نك احکامی وجهله حرکت ایده جکدر .
مدیر محکوم علیه دعوت ایده جک ومحکوم علیه بالرضا حکمی اج ایتمز واعلام غیابی اولدینی حالده علیه اعتراض ایتمهش بولنور ایسه ویا تمیز ایدلمش بر حکمده محکوم له طرفندن یتش اوچنجی ماده وجهله کفالت اعطا قنور ایسه مدیر طرفندن محکوم علیه بر اخطار نامه کوندریله جک و بونده ۴۸ ساعت طرفنده حکمی بالرضا انفاذ ایتسنی و خلاقی تقدیرده جبراً اجرا قلنه جقنی بیان ایلیه جکدر .

اخطار نامه (۱۱) نجی ماده وجهه ایله تبلیغ اولنه جقدر .
طقسان برنجی ماده : اخطار نامه ده معین اولان مدت طرفنده محکوم علیه حکمی بالرضا اجرا ایتهدیکی تقدیرده مدیر محله قوه کافیه ترفیقیه برضابطه مأموری کوندره جک و بونلر قریه ویا محله هیئت اختیاریه سندن ایکی کشی حضورنده حکمك جبراً انفاذینی تأمین ایلیه جکدر در . وقوع حالی وصورت اجرایی مبین ضبط ورقه سی تنظیم اولنه جق وبوضبط ورقه سی ضابطه مأموری ومعیتی افرادیه حاضر ون طرفندن امضا قلنرق مدیر تودیع ایده جکدر .

مدیرک امری تحتده قوه کافیه موجود اولدینی تقدیرده منسوب اولدینی مرکزدن معاونت طلب ایدم جکدر .

طقسان ایکنجی ماده : اموال غیر منقوله نك حجز اجراییسی طلبلری قضا بدایت محکمه سی رئیسنه بیان اولمقی لازمدر . رؤسای مومی الهم اجرا قانونی موجنبجه بوخصوصده حائر اولدقلری صلاحیتی محافظه ایدرلر .

طقسان اوچنجی ماده : صلح محکمه لرنده مواد جزائییه متعلق صادر اولان حکملر بالکمز جزای نقدیه ویاخود بر هفته نی متجاوز اولماق اوزره حبسه متدائر اولدینی حالده حکم مذکور کسب قطعیت ایتسیله برابر ناحیه مدیری طرفدن اجرا قلنه حق و بوندن یوقاری اولان حکملرک اجرایی قضا بدایت محکمه لری مدعی عومیلرینه عائد بولنه جکدر .

فصل مخصوص

طقسان دردنجی ماده : بیوک شهرلرده دخی عددلری و دائره صلاحیتلری احتیاجات عملیه کوره معین صلح حاکملکی تأسیس اولنشددر .

یتمش ایکنجی ماده موجنبجه ناحیه مدیرلر نك مکلف اولدینی معاملات اجراییه عملی اجرا دائره سی طرفدن ایفا ایدیله جکدر .

طقسان بشنجی ماده : منتظماً دعوی وکیللری جمعیتلری تشکل ایدن محللرده دعوی وکیل اقامه سی جائز اولوب جمعیت تشکل ایتمین یرلرده دعوی وکیل قبول اولماز .

۴نجی ماده یه توفیقاً وکیل معرفتیه رؤیت دعوا ایتدیره بیلمک صلاحیتی لدی الايجاب طرف نك بالذات محکمه یه دعوتی ایچون کرک دیگر طرفک طلبیه وکرک رأساً حاکمک حائر اولدینی حق و صلاحیتی رفع ایدمزر .

طقسان التتبی ماده : صلح حاکم نك دائره قضا سنده کلوب کچن ویا موقتاً مقیم اولان اشخاصک اموال ذخائر و حیواناتی اوزرینه وضع اولنه حق حجز طلبی صلح حاکم نه بیان اولنه حق و حاکم ۵نجی ماده نك تعین ایتدیکی قواعد و مراسمی بالذات اجرا ایدم جکدر .

